

# Қазақ тілі мен әдебиеті

6 сынып

2-сабақ

**БӨЛІМ: Отан отбасынан басталады**

**САБАҚ ТАҚЫРЫБЫ: «Отбасы күнін» тойладық**

**ӘЗІРЛЕУШІ: Иванқызы Шұғыла, А.М.Горький атындағы**

**мектеп-лицей, Маңғыстау облысы, Түпқараған ауданы,**

## Сабақтың мақсаты:

- Мәліметтерді жинақтай отырып, тақырып бойынша постер жасау.

## Бағалау критерийлері:

- мәліметтерді жинақтайды;
- жетекші сұрақтар, мәтін тақырыбы арқылы негізгі ойды анықтайды;
- тақырыпқа сай постер құрастырады.



БӨЛІМ: Отан отбасынан басталады

“Отбасы күнін”  
тойладық



## Мәтінмен жұмыс

Отбасы – сыйластық, түсіністік орнаған орта, кішкентай Отан, табиғат сыйлаған кереметтердің бірі. Отбасы – мемлекеттің дұрыс қалыптасуының ең басты тірегі, бала тәрбиесінің ең алғашқы ұжымы. Жеке адамның бойындағы ар-ұятын, ақыл-ойын, адамгершілігін, мәдениеттілігін тәрбиелеуде отбасы – алғашқы қадам. «Отан отбасынан басталады» деген нақыл сөзді дәлел ретінде алсақ болады. Отбасында құндылықтар мол болуы керек. Сонда ғана әр отбасында тәрбиеленіп жатқан ұрпақ отбасылық махаббатқа, ата-ана мейіріміне бөленіп, болашақта Отанымыздың дамуына айтарлықтай үлес қоса алатын азамат болып шығады. Бұл қасиеттер тек тәрбие арқылы келетінін ұмытпауымыз керек. Қазіргі жаһандану кезеңінде өмір сүріп жатқан жастар осы құндылықты бағалай алмайтын сияқты. Себебі отбасындағы бала тәрбиесін түрлі гаджеттер мен планшеттер алмастыруда. Осы кезде дана Әл-Фарабидің мына сөзі ойға келеді: «Білім алмас бұрын, мықты тәрбиені қалыптастыру керек, тәрбиесіз алған білім қоғамға өте қауіпті». Кез келген адамның ер жетіп өсуі, бойындағы алғашқы адамгершілік белгілері отбасында қалыптасады, сондықтан да туған үйдің жылуы – оның санасында көп жылдар бойы сақталып, мәңгі есінде жүреді.



Отбасы туралы қандай мақал-мәтелдерді білесің?



## ЖАЗЫЛЫМ

**6-тапсырма.** Сөздер мен сөз тіркестерін мағынасына қарай байланыстырып жаз.

«Отбасы күнін»	жиналады	дастарқан	сыйлаймыз
Отбасы мүшелері	атап өтеміз	сыйлықтар	жаяды
Суретке	кеш	орын	ұйымдастырамыз
Бір-бірімізге қуаныш	түсіремін	кеш	отбасының мейірімі
Әкем гүл шоқтарын	сыйлаймыз	әкем	ауыстырамыз
Әсерлі	тарту етеді	анам	отбасының тірегі